



# BOLETÍN RSU XULLO 2020

## UNIVERSIDADE DE VIGO.

UNIDADE DE ANÁLISIS E PROGRAMAS



## A AGROECOLOXÍA DEMANDA “PASAR DO LOCAL AO INSTITUCIONAL” PARA TRANSFORMAR O SISTEMA ECONÓMICO E ALIMENTARIO

M.DEL RÍO DUVI 01/07/2020

De non ter sobrevido a pandemia mundial da covid-19, esta semana na Facultade de Ciencias Económicas e Empresariais de Vigo daríanse cita representantes do mundo da investigación, a agricultura, o activismo e o asociacionismo no marco do VIII Congreso Internacional de Agroecoloxía. Sen embargo, esta cita coa sustentabilidade estase a celebrar de xeito virtual cunha cifra récord de participantes, máis de 250, de Brasil, Colombia, México, Paraguai, Venezuela, Chile, Estados Unidos, Portugal, Reino Unido, Italia e Francia. [+info](#)



*SiEM procurará aumentar a presenza de estudiantado menos favorecido e grupos subrepresentados.*

## VIGO, ÚNICA UNIVERSIDADE ESPAÑOLA NUN PROXECTO EUROPEO QUE FARÁ MÁIS INCLUSIVAS AS OPORTUNIDADES DE MOBILIDADE INTERNACIONAL

M<sup>a</sup> DEL CAMEN ECHEVARRÍA DUVI 03/07/2020

Persoas vítimas de violencia de xénero; inmigrantes ou emigrantes retornados; persoas sen fogar ou que habitan nunha infra-vivenda; membros dunha minoría étnica; persoas transexuais ou que están en proceso de reasignación sexual. Estes son algúns exemplos de estudantes pertencentes a grupos desfavorecidos ou pouco representados e que no conxunto do programa Erasmus +, unicamente representan o 7% do total do alumando que participa nesta acción de mobilidade internacional. [+info](#).



## A UVIGO PRORRÓGALLES OS CONTRATOS ÁS INVESTIGADORAS POSDOUTORAIS QUE SE ACOLLERON A PERMISOS DE MATERNIDADE NOS ÚLTIMOS ANOS

DUVI 06/07/2020

A Universidade de Vigo dará continuidade, a través dun convenio coa Xunta, aos contratos de dúas investigadoras posdoutorais que se acolleron a permisos de maternidade nos últimos anos, incluíndoas nun convenio de I+D asinado co executivo autonómico, no que a UVigo propuxo unha modificación que contemplase os contratos destas dúas persoas ata o máximo posible no marco deste convenio (31 outubro de 2020), no caso de que acaden avaliación positiva ao longo deste mes. [+info](#).



Soto, Ramallo, que entrevistou por videoconferencia, e Oubiña, co cartel de 'Falamos'

## UNIVERSIDADE E CONCELLO DE PONTEVEDRA ALÍANSE PARA XERAR NOVAS E NOVOS GALEGOFALANTES NO CAMPUS

EDUARDO MUÑOZ DUVI PONTEVEDRA 08/07/2020

O inicio dos estudos universitarios constitúe un momento de cambios para o alumnado, nos seus modos de vida, nas súas relacións persoais..., polo que tamén pode ser un bo momento para cambiar de lingua. Partindo desta idea, a Universidade de Vigo e o Concello de Pontevedra impulsan o programa *Falamos*, dirixido a potenciar o uso do galego entre o alumnado do campus de Pontevedra, tanto entre aqueles e aquelas que xa o empregaban previamente como entre mozos e mozas castelanfalantes. [+info](#).



## O PROGRAMA DE MAIORES BUSCA NOVOS ESTUDANTES DISPOSTOS A UNHA APRENDIZAXE AO LONGO DA VIDA

M. DEL RÍO DUVI 13/07/2020

Como para o resto da comunidade universitaria, os últimos meses deste curso foron para o alumnado sénior un verdadeiro reto, no que tiveron que afacerse á docencia en liña e ás novas tecnoloxías. Coa vista posta en normalizar, na medida do posible, a vida académico a partir do mes de setembro, a Universidade abre a [convocatoria de inscrición para o Programa de Maiores](#), tanto no ciclo intensivo coma no integrado. [+info](#).



## CATRO TITULACIÓNS DO CAMPUS DE VIGO E UNHA DE OURENSE, PROPOSTA DA UVIGO Á CONVOCATORIA DE MÁSTERES DE EXCELENCIA DA XUNTA

M<sup>a</sup> DEL CARMEN ECHEVARRÍA DUVI 14/07/2020

Aínda que nunha convocatoria interna realizada na UVigo se presentaron unha decena de mestrados, finalmente unha comisión, en base aos criterios que utilizará a Xunta para realizar a selección final, determinou que Matemática industrial, Xestión empresarial do deporte, Acuicultura, Biotecnoloxía avanzada e Enxeñaría da automoción, fosen as titulacións que concorresen á primeira convocatoria de Másteres de Excelencia da Xunta. [+info](#).

Xullo 2020.



A tese de Yaiza Lechuga analiza o avance do *Carpobrotus edulis* nos complexos dunares galegos.

## AS ÁREAS COSTEIRAS PERTURBADAS POLA ACCIÓN HUMANA SON MENOS RESISTENTES Á INVASIÓN DA UNLLA DE GATO

M. DEL RÍO DUVI 15/07/2020

A unlla de gato, *Carpobrotus edulis*, é unha das principais ameazas para a conservación da biodiversidade vexetal da costa galega. Presente en case todos os hábitats dunares da comunidade, esta especie invasora compite coas plantas autóctonas e produce importantes impactos nos ecosistemas que invade, xa que modifica o PH, a humidade e os nutrientes do solo, reduce o movemento da area e compite coas especies nativas polos recursos. [+info](#).



## A UNIDADE DE IGUALDADE LANZA A TERCEIRA EDICIÓN DO ITINERARIO VIRTUAL DE FORMACIÓN EN XÉNERO

M. DEL RÍO DUVI 15/07/2020

Tras o éxito das dúas primeiras edicións do [Itinerario virtual de formación en xénero](#), nas que participaron máis de 1850 persoas, a Unidade de Igualdade ten xa deseñada unha nova edición deste programa que trata de dar resposta ás necesidades de formación en xénero da comunidade universitaria, propóndolle un itinerario virtual composto por nove cursos de diversas temáticas, entre os que hai dúas novidades: *Comunicación e xénero* e *O xénero no século XXI*. [+info](#).




## AS REPRESENTACIÓNS DA MITEU TIVERON UNHA MEDIA DE 200 ESPECTADORES

DUVI OURENSE 16/07/2020

Cunha choiva de globos e ao canto do público “queremos Miteu”, este mércores pola noite pechouse no Teatro Principal de Ourense a 25ª edición da [Mostra Internacional de Teatro Universitario de Ourense \(Miteu\)](#). A cita cumpriu un cuarto de século celebrando a súa supervivencia a pesar do impacto da crise da covid-19 no sector cultural e cunha programación adaptada ás esixencias sanitarias para garantir a seguridade do público asistente. Facendo balance da súa celebración, desde a organización sinalan que as representacións do certame congregaron unha media de ao redor de 200 espectadores. [+info](#).





Silvia García, Milagros Fernández, Jonathan Juncal e Enrique Costa foron os encargados de desenvolver esta app

## INVESTIGADORES DE ATLANTTIC CREAM UNHA APP QUE LLES FACILITA O DÍA A DÍA NO TRABALLO ÁS PERSOAS CON AUTISMO

D. BESADÍO DUVI 17/07/2020

Xa pode descargarse para calquera dispositivo móbil Android talkAAActive, unha aplicación gratuíta dirixida a facilitarlle ás persoas con autismo a súa comunicación na contorna laboral. A nova app foi deseñada polo Grupo de Tecnoloxías da Información do centro de investigación atlanTTic da Universidade de Vigo, grazas ao financiamento achegado por Indra, unha das principais empresas globais de tecnoloxía e consultaría, e a Fundación Universia, entidade que impulsa a accesibilidade e a inclusión das persoas con discapacidade na sociedade. [+info](#).



O obxectivo é activar "unha mirada crítica" con perspectiva de xénero dende os estantes destes espazos

## A UVIGO SÚMASE Á REDE DE BIBLIOTECAS EN IGUALDADE PARA VISIBILIZAR O COÑECEMENTO XERADO POLAS MULLERES

DUVI 20/07/2020

A Universidade de Vigo é, dende este luns, unha institución adherida ao Manifesto Bibliotecas en Igualdade. Así o ratificaron nun acto público o reitor, Manuel Reigora, e Anna Caballé, presidenta de Clásicas y Modernas, entidade que promove esta iniciativa. A sinatura desta acordo, que terá validez ata 2022, implica que a institución académica se compromete a activar unha mirada crítica con perspectiva de igualdade cando a comunidade universitaria se achegue aos estantes das bibliotecas. [+info](#).



## TRANSVERSALIZACIÓN DE XÉNERO EN ÁMBITOS ESTRATÉXICOS, DISTINTIVOS PARA CENTROS OU UNHA LUDOTECA PROVISIONAL, PROPOSTAS DO III PLAN DE IGUALDADE DA UVIGO

M<sup>a</sup> DEL CARMEN ECHEVARRÍA DUVI 22/07/2020

"Este plan defínese pola vontade de dar resposta a todas as demandas da comunidade universitaria de acadar unha sociedade máis xusta e de maior calidade, que coloque a 'vida' no centro". Con estas palabras resume a directora da Unidade de Igualdade da UVigo, Águeda Gómez, o espírito do III Plan de Igualdade, que a institución académica acaba de poñer a [exposición pública](#) na procura das achegas da comunidade universitaria. [+info](#).




Edición de 2019

## A 7ª EDICIÓN DO PONT-UP STORE PRESENTARÁ 46 STARTUPS GALEGAS INNOVADORAS E CREATIVAS

DUVI 23/07/2020

Tras un difícil proceso selección no que se valoraron as 149 candidaturas de novas empresas galegas e estatais, o comité organizador da Pont-Up Store fixo pública este xoves a lista definitiva de participantes. Nesta 7ª edición do encontro, liderado polo Campus CREA, vanse presentar os emprendementos dun total de 46 empresas que destacan pola innovación e a creatividade das súas propostas. [+info](#).



Mapa e árbore filoxenética proporcionadas por NextSpain

## O PROXECTO EPICOVIGAL EMPREGARÁ A ANÁLISE XENÓMICA PARA ENTENDER A EVOLUCIÓN E CIRCULACIÓN DO CORONAVIRUS EN GALICIA

DUVI 23/07/2020

Entender a evolución e circulación do SARS-CoV-2 en Galicia a través da análise xenómica de 1000 mostras de pacientes contaxiados co obxectivo último de contribuír á toma de decisións no eido da saúde pública na loita contra este virus. Este será o reto do proxecto Epicovigal, liderado polo catedrático da Universidade de Vigo David Posada e no que participarán equipos de investigación das universidades, dos institutos de investigación sanitaria e dos hospitais de referencia de Galicia. [+info](#).



A convocatoria sairá en setembro e resolverase con posterioridade á do Ministerio

## A UVIGO DESTINARÁ O VINDEIRO CURSO 90.000 EUROS A BOLSAS PARA O SEU ALUMNADO AFECTADO POLAS CONSECUENCIAS ECONÓMICAS DA COVID-19

Mª DEL CAMEN ECHEVARRÍA DUVI 24/07/2020

O alumnado da UVigo afectado polas consecuencias económicas derivadas da covid-19 contará cara o vindeiro curso 2020-2021 cunha nova convocatoria de axudas, que se fará pública no mes de setembro, con posterioridade á do Ministerio, “xa que o alumnado que teña dereito á bolsa MEFP, xa ten a matrícula gratuíta e así todo o orzamento da UVigo irá destinado directamente a alumnado que non ten posibilidade da axuda do Ministerio”, explica Natalia Caparrini, vicerreitora de Captación de Alumnado, Estudantes e Extensión Universitaria. [+info](#).



A deputada responsable do eido de Igualdade, Victoria Alonso; Carmela Silva; Manuel Reigosa e directora da Unidade de Igualdade da UVigo, Águeda Gómez

## A CÁTEDRA DE FEMINISMOS 4.0 PORÁ EN MARCHA UNHA CONVOCATORIA DE PREMIOS PARA PROMOCIONAR, APOIAR E FOMENTAR OS ESTUDOS STEM

DUVI 24/07/2020

Hai un ano, a Universidade de Vigo e a Deputación de Pontevedra asinaban un compromiso mutuo para poñer en marcha a Cátedra de Feminismos 4.0 Depo-UVigo, co dobre obxectivo de evitar que no espazo dixital se reproduza e amplifique a desigualdade de xénero que persiste na sociedade e, ao tempo, incrementar a presenza feminina nas áreas científico-tecnolóxicas. [+info.](#)



A medida compensatoria podería facerse efectiva en 66 materias

## A PREVISIBLE APLICACIÓN DA CLAÚSULA KENT EN SÓ UN 2% DE MATERIAS CONFIRMA O ÉXITO DA TRANSICIÓN Á DOCENCIA VIRTUAL NA UVIGO NOS ÚLTIMOS MESES

M<sup>a</sup> DEL CAMEN ECHEVARRÍA DUVI 27/07/2020

O pasado mes de abril o Consello de goberno da UVigo aprobou unha medida co obxectivo de poder introducir unha compensación nas notas do alumnado, caso de detectarse unha diminución significativa nos resultados académicos correspondentes ao período de vixencia do estado de alarma, respecto dos cursos anteriores, e que ese descenso nas cualificacións puidese considerarse atribuíble ao paso da docencia presencial á virtual. [+info.](#)



A EE Industrial apostará pola presencialidade 100% en todos os seus graos e mestrados

## AUMENTAN A CASE 20 OS GRAOS QUE O VINDEIRO CURSO COMEZARÁN IMPARTÍNDOSE DE XEITO PRESENCIAL NA UVIGO

M<sup>a</sup> DEL CAMEN ECHEVARRÍA DUVI 28/07/2020

Co agradecemento polo esforzo realizado durante os últimos meses por mor da pandemia e o desexo dunhas boas vacacións aos seus integrantes, remataba este martes a derradeira intervención do reitor, na sesión de Consello de goberno que hoxe puxo fin ás celebradas ao longo do curso 2019-2020. Así finalizaba unha xuntanza ordinaria na que os seus membros deron luz verde a novas solicitudes enviadas polos centros para iniciar a docencia o vindeiro curso na modalidade presencial e á que se incorporan a totalidade de titulacións de grao (sete e tres PCEO) e de mestrado (sete) que se imparten na Escola de Enxeñaría Industrial. [+info.](#)

---

## UNIVERSIDADE DE VIGO

### **Unidade de Análisis e Programas.**

Edificio Filomena Dato.

Planta Baixa.

36310 Vigo (Pontevedra)

986.818.689 986.818.640